

**KANTON SARAJEVO  
MINISTARSTVO KULTURE I SPORTA  
JAVNA USTANOVA „MES - MEĐUNARODNI TEATARSKI FESTIVAL -  
SCENA MESS“**

**UPRAVNI ODBOR  
Broj: 02-XII-844/21**

**ODLUKA O IZMJENAMA I DOPUNAMA PRAVILA  
JAVNE USTANOVE „MES - MEĐUNARODNI TEATARSKI FESTIVAL - SCENA  
MESS“**

**Sarajevo, decembar 2021. godine**

Na osnovu člana 27. stav 1. alineja 1. i člana 38. Zakona o ustanovama („Službene novine Kantona Sarajevo“, broj 6/92, 8/93 i 13/94), članova 15. alineja (1) i 32. alineja b) Pravila Javne ustanove MES – Međunarodni teatarski festival–Scena MESS, (broj: 257/16 od 10.05.2016. godine), a u vezi sa članom 10. Odluke o osnivanju Javne ustanove „MES – Međunarodni teatarski festival – Scena MESS“ („Službene novine Kantona Sarajevo“, br. 3/99 - Prečišćeni tekst, 31/07, 1/13 i 28/14) Upravni odbor Javne ustanove „MES-Međunarodni teatarski festival – Scena MESS“ na sjednici održanoj 28.12.2021. godine, donio je:

**ODLUKU O  
IZMJENAMA I DOPUNAMA PRAVILA JAVNE USTANOVE  
„MES - MEĐUNARODNI TEATARSKI FESTIVAL - SCENA MESS“**

**Član 1.**

Ovom Odlukom vrši se izmjena i dopuna Pravila Javne ustanove „MES – Međunarodni teatarski festival – Scena MESS“, (broj: 257/16 od 10.05.2016. godine (U daljem testu Pravila Javne ustanove).

**Član 2.**

U Pravilima Javne ustanove mijenja se član 6. i glasi:

**"Član 6.**

(Službe iz djelokruga MES-a)

Poslovi iz djelokruga MES-a obavljaju se u okviru tri Službe i to:

- (a) Samostalna Služba Festival MESS;
- (b) Služba Scena MESS;
- (c) Tehničko - operativna Služba."

**Član 3.**

U Pravilima Javne ustanove mijenja se član 7. i glasi:

**"Član 7.**

(Samostalna služba Festival MESS"

U Samostalnoj službi Festival MESS obavljaju se poslovi koji se odnose na festivalsku djelatnost koja podrazumijeva selekciju, ugošćavanje i razmjenu djela iz oblasti izvedbenih umjetnosti, održavanje radionica, učešće na svjetskim i evropskim festivalskim mrežama, prezentaciju i promociju bosanskohercegovačkih izvedbenih umjetnosti na internacionalnoj sceni, održavanje pratećih sadržaja Festivala, a s ciljem da se pruži gledateljima i teatarskim stručnjacima uvid u savremenu teatarsku produkciju, istovremeno omogućavajući mjesto teatarskim profesionalcima za susret i razmjenu kreativnih ideja za buduće projekte. Festival je međunarodnog karaktera i održava se jednom godišnje."

**Član 4.**

U Pravilima Javne ustanove mijenja se član 8. i glasi:

**"Član 8.**

(Služba Scena MESS)

U Službi Scena MESS obavljaju se poslovi koji se odnose na produkciju i prezentaciju djela iz oblasti izvedbenih umjetnosti, kreiranje produkcijske platforme i

umrežavanje sa drugim produkcijskim kućama i organizacije drugih kulturnih manifestacija tokom cijele godine. Svojom djelatnošću pripreme i organizacije, te javnog izvođenja dramskih i muzičko-scenskih djela ostvaruje se interes Osnivača u zadovoljavanju javnih potreba za teatarskom djelatnošću."

#### **Član 5.**

U Pravilima Javne ustanove mijenja se član 9. i glasi:

#### **"Član 9.**

(Tehničko - operativna Služba)

U Tehničko - operativnoj službi obavljaju se poslovi koji se odnose na materijalno-finansijsko poslovanje, pravne, tehničke, personalne i druge administrativno-tehničke poslove MES-a, kao i organizacijski i produkcijski poslovi."

#### **Član 6.**

U Pravilima Javne ustanove mijenja se član 10. i glasi:

#### **"Član 10.**

(Rukovođenje javnom ustanovom)

- 1) Javnom ustanovom MESS rukovodi direktor ustanove.
- 2) Poslovima Samostalne Službe Festival MESS rukovodi Rukovodilac samostalne službe Festival MESS.
- 3) Rukovodilac Samostalne službe Festival MESS imenuje se na mandatni period od četiri godine na osnovu konkursne procedure."

#### **Član 7.**

Pravila Javne ustanove dopunjavaju se na način da se iza člana 10. dodaje novi član 11. i glasi:

#### **"Član 11.**

(Voditelji Službi)

- „ (1) Ustanova ima dva voditelja službe i to:
- (a) Voditelj Službe Scena MESS;
  - (b) Voditelj Tehničko - operativne službe
- (2) Voditelji službi za svoj rad neposredno odgovaraju direktoru.
- (3) Voditelji službe zasnivaju radni odnos u ustanovi na neodređeno vrijeme na osnovu javnog konkursa."

#### **Član 8.**

- (1) Dosadašnji članovi od 11. do 41. postaju članovi od 12. do 42.
- (2) Ostale odredbe Pravila Javne ustanove „MES - Međunarodni teatarski festival - Scena MESS“ (broj: 257/16 od 10.05.2016. godine) ostaju na snazi i neizmijenjene.

#### **Član 9.**

Obavezuje se Direktor ustanove da Odluku o izmjeni i dopuni Pravila Javne ustanove dostavi Ministarstvu kulture i sporta Kantona Sarajevo, a koje će na osnovu člana 16. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, broj: 2/12-Prečišćeni tekst) istu razmotriti, a zatim je sa popratnim materijalom dostaviti Vladi Kantona Sarajevo koja donosi Odluku o davanju Saglasnosti.



## Član 10.

- (1) Odluka o izmjenama i dopunama Pravila Javne ustanove će stupiti na snagu danom dobijanja saglasnosti Vlade Kantona Sarajevo i objaviće se u Službenim novinama Kantona Sarajevo.
- (2) Nakon pribavljanja saglasnosti Vlade Kantona Sarajevo direktor ustanove će sačiniti prečišćeni tekst Pravila Javne ustanove „MES - Međunarodni teatarski festival - Scena MESS“.

### Obrazloženje:

**Pravni osnov za donošenje ove odluke sadržan je u odredbama sljedećih pravnih propisa:**

- (1) Član 27. stav 1. alineja 1. Zakona o ustanovama („Službene novine Kantona Sarajevo“, br. 6/92, 8/93 i 13/94) kojim je definisano da Upravni odbor donosi pravila ustanove.
- (2) Član 38. Zakona o ustanovama („Službene novine Kantona Sarajevo“, br. 6/92, 8/93 i 13/94) kojim je propisan sadržaj odredbi Pravila ustanove.
- (3) Članovi 15. alineja (1) i 32. alineja b) Pravila Javne ustanove „MES - Međunarodni teatarski festival - Scena MESS“, (broj: 257/16 od 10.05.2016. godine), a u vezi s članom 10. Odluke o osnivanju Javne ustanove „MES - Međunarodni teatarski festival - Scena MESS“ („Službene novine Kantona Sarajevo“, broj 3/99 - Prečišćeni tekst i broj 31/07, 1/13 i 28/14), a kojim je definisano da Upravni odbor donosi opće akte MES-a, a opći akt MES-a su Pravila ustanove, uz prethodnu saglasnost Vlade Kantona Sarajevo.
- (4) Član 34. Pravila Javne ustanove „MES - Međunarodni teatarski festival - Scena MESS“, broj: 257/16 od 10.05.2016. godine, a kojim je predviđeno da se izmjene i dopune općih akata vrše na način na koji su i doneseni.

### Razlozi donošenja:

Odredbom člana 6. Pravila javne ustanove „MES - Međunarodni teatarski festival - Scena MESS“ (broj: 257/16 od 10.05.2016. godine) definisano je da se poslovi iz djelokruga MES-a obavljaju u okviru tri organizacione jedinice i to:

- (a) Umjetnički sektor – Festival MESS
- (b) Umjetnički sektor – Scena MESS
- (c) Tehničko - operativni sektor.

Odredbom člana 10. Pravila javne ustanove definisano je da Umjetničkim sektorom Festival MESS rukovodi Umjetnički rukovodilac Festivala MESS, Umjetnički sektorom Scena MESS rukovodi Umjetnički rukovodilac Scene MESS, Tehničko-operativnim sektorom rukovodi Rukovodilac tehničko-operativnog sektora i da se umjetnički rukovodioci imenuju na mandatni period od četiri godine.

Uzimajući u obzir obim i složenost poslova organizacionih jedinica, a i imenovanih rukovodioca, Upravni odbor i direktor ustanove su ocijenili da je potrebno uraditi reorganizaciju u pogledu obavljanja poslova iz djelokruga MES-a, na način da organizacione jedinice budu Službe i to na način kako slijedi:

- (a) Samostalna Služba Festival MESS;

- (b) Služba Scena MESS;
- (c) Tehničko - operativna Služba.

Poslovima Samostalne službe Festival MESS rukovodio bi Rukovodilac samostalne službe Festival MESS. Rukovodilac samostalne službe Festival MESS imenovao bi se na mandatni period od četiri godine na osnovu konkursne procedure.

Poslove vođenja Službe Scena MESS i poslove vođenja Tehničko - operativne Službe obavljali bi voditelji službe koji bi u ustanovi zasnivali radni odnos na neodređeno vrijeme na osnovu javnog konkursa uz prethodnu saglasnost resornog Ministarstva.

Razlog zbog kojeg bi Samostalna služba Festivala MESS bila samostalna služba kojom bi rukovodio Rukovodilac samostalne službe Festival MESS ogleda se u činjenici da se u ovoj Službi obavljaju poslovi koji se izravno odnose na festivalsku djelatnost, a koja podrazumijeva selekciju, ugošćavanje i razmjenu djela iz oblasti izvedbenih umjetnosti, održavanja radionica, učešća u svjetskim i evropskim festivalskim mrežama, prezentaciju bosanskohercegovačkih izvedbenih umjetnosti na internacionalnoj sceni, održavanje pratećih sadržaja Festivala s ciljem da se pruži gledateljima i teatarskim stručnjacima uvid u savremenu teatarsku produkciju, istovremeno omogućavajući mjesto teatarskim profesionalcima za susrete i razmjenu kreativnih ideja za buduće projekte. Shodno navedenom, nužno je da Javna ustanova u ovoj Službi ima Rukovodioca sa umjetnički relevantnim iskustvom u svim segmentima rada, a koji bi se imenovao na mandatni period.

Za razliku od direktora koji se bavi primarno rukovođenjem Javnom ustanovom tj. zastupanjem i predstavljanjem institucije i čija je primarna obaveza zakonitost rada J.U. MES, Rukovodilac samostalne službe Festivala MESS, kao osoba koja bi se također imenovala na mandatni period, bi kreirao i vodio programske sadržaje, odgovarao za selekciju i programsku djelatnost Festivala MESS, uspostavljao i održavao međunarodne kontakte, djelovao na promociji bosanskohercegovačkih izvedbenih umjetnosti u svijetu, koordinirao rad selektora Festivala MESS i predlagao konačni program Festivala.

Važeća Pravila Javne ustanove su predviđala postojanje još dva rukovodeća mjesta za rukovođenjem Sektorom Scena MESS i Tehničko - operativnim Sektorom iz razloga jer je postojala ideja da će se Festival proširiti, odnosno da će imati vlastiti teatarski prostor i zbog toga je bilo potrebno imati rukovodioca sektora. S obzirom na to da Festival i nakon 5 godina od tog obećanja nije dobio svoj prostor samim time ne postoji objektivna potreba za postojanjem rukovodioca ova dva sektora.

Shodno predloženim izmjenama ustanova bi imala i voditelje službe i to:

- Voditelj Službe Scena MESS, a koji bi vodio programsku djelatnost Službe Scena MESS, profilirao repertoar i umjetničke programe Scene MESS, kreirao i vodio programske sadržaje Scene MESS, te organizovao stručne i edukativne procese u okviru Scene MESS;
- Voditelj Tehničko - operativne Službe, a koji bi obavljao poslove koji se odnose na ugovore sa gostujućim trupama, izvršenje i realizaciju ugovornih obaveza sa gostujućim trupama, pripremao projektne dokumentacije MES-a, pronalazi fondova za finansiranje programa, po odobrenju Direktora.

Voditelji službi za svoj rad neposredno bi odgovarali direktoru. Voditelji službe bi zasnivali radni odnos u ustanovi na neodređeno vrijeme na osnovu javnog konkursa



u skladu sa Uredbom o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21), Pravilnikom o unutrašnjoj organizaciji i sistematizaciji radnih mjesta ustanove i Pravilnikom o radu ustanove.

Uzimajući u obzir gore navedeno Upravni odbor ustanove smatra da bi se sa predloženom novom organizacijom postigla bolja efikasnost u radu, a i bolja ekonomičnost, jer je za voditelje službi, shodno odredbama Kolektivnog ugovora za djelatnost kulture u Kantona Sarajevo predviđen niži platni razred i koeficijent za obračun plaće, a što je u skladu sa složenošću poslova radnog mjesta.

Upravni odbor razmatrao je prijedlog Odluke, konstatovao je da je isti usklađen s relevantnim zakonskim odredbama te je u skladu s članom 27. stav 1. alineja 1. , članom 38. Zakona o ustanovama („Službene novine Kantona Sarajevo“, broj 6/92, 8/93 i 13/94), članova 15. alineja (1) i 32. alineja b) Pravila Javne ustanove „MES – Međunarodni teatarski festival – Scena MESS“, (broj: 257/16 od 10.05.2016. godine), a u vezi sa članom 10. Odluke o osnivanju Javne ustanove „MES – Međunarodni teatarski festival – Scena MESS“ („Službene novine Kantona Sarajevo“, br. 3/99 - Prečišćeni tekst, 31/07, 1/13 i 28/14) donio odluku kao u dispozitivu.

**PRAVNA POUKA:**

Odluka Upravnog odbora je konačna, a zaštitu prava se može ostvariti kod nadležnog suda.

Broj: 02-XII-844/21

Sarajevo, 28.12.2021. godine

PREDSJEDNICA

UPRAVNOG ODBORA



Lejla Hodžić

Dostavljeno:

1x Vlada Kantona Sarajevo

1x Ministarstvo kulture i sporta Kantona Sarajevo

1x Oglasna ploča

1x a/a